

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 01- /73/24
Sarajevo, 08.01.2024. godine
22.01.2024

ZAPISNIK

sa 8. redovne sjednice Vijeća Univerziteta u Sarajevu - Elektrotehničkog fakulteta
održane 08.01.2024. godine s početkom u 14:00 sati
u sali S-1 Univerziteta u Sarajevu - Elektrotehničkog fakulteta.

Od 63 člana Vijeća Univerziteta u Sarajevu - Elektrotehničkog fakulteta, sjednici je prisustvovalo 45 članova.

Prisutni članovi Vijeća Univerziteta u Sarajevu - Elektrotehničkog fakulteta:

Dekan, prof. dr. Jasmin Velagić; prodekan za opšte i finansijske poslove – prof. dr. Senad Huseinbegović; prodekan za naučnoistraživački rad – prof. dr. Tarik Uzunović; prodekan za međunarodnu saradnju – doc. dr. Darijo Raca; prof. dr. Abdulah Akšamović; prof. dr. Adnan Mujezinović; prof. dr. Alen Begović; prof. dr. Almir Marić; doc. dr. Almir Salihbegović; doc. dr. Amer Smajkić; prof. dr. Anel Tanović; prof. dr. Bakir Lačević; prof. dr. Dijana Dujak; prof. dr. Emir Buza; prof. dr. Emir Buza; prof. dr. Emir Sokić; prof. dr. Emir Turajlić; doc. dr. Enio Kaljić; prof. dr. Hamid Zildžo; prof. dr. Haris Šupić; prof. dr. Irfan Turković; asistent Ehlimana Cogo; viši asistent Adnan Osmanović; prof. dr. Mirza Batalović; prof. dr. Mirza Hamza; prof. dr. Mustafa Musić; doc. dr. Nedim Osmić; prof. dr. Novica Nosović; prof. dr. Pamela Njemčević; prof. dr. Razija Turčinodžić Mulahasanović; prof. dr. Samim Konjicija; prof. dr. Samir Omanović; prof. dr. Samir Ribić; prof. dr. Saša Mrdović; prof. dr. Selma Grebović; prof. dr. Selma Rizvić; prof. dr. Senad Smaka; doc. dr. Senka Krivić; doc. dr. Vedad Bečirović; viši asistent Vedran Karahodžić; prof. dr. Vensada Okanović; prof. dr. Zijad Bajramović; prof. dr. Željko Jurić; prof. dr. Naida Mujić i Nejra Alfirević Fočo.

Odsutni članovi Vijeća Univerziteta u Sarajevu - Elektrotehničkog fakulteta:

Prodekanica za nastavu - doc. dr. Amra Delić Halilović; viši asistent Lejla Ahmethodžić; prof. dr. Adnan Tahirović; prof. dr. Almir Karabegović; prof. dr. Amila Akagić; Ahmed Trkić; prof. dr. Dženana Đonko; prof. dr. Ingmar Bešić; prof. dr. Izudin Džafić; prof. dr. Jasmina Baraković Husić; prof. dr. Kemal Hajdarević; viši asistent dr. Nedis Dautbašić; prof. dr. Miralem Mehić; doc. dr. Mirsad Čosović; Azra Mehić; prof. dr. Samir Avdaković; prof. dr. Selma Hanjalić; doc. dr. Kenan Šehić; Asim Džindo - student prodekan.

Ostali prisutni:

Dženita Šabanadžović (u svojstvu zapisničara).

Zasjedanje je počelo u 14:00 sati.

Konstatovano je da sjednici, prilikom otvaranja prisustvuje 45 članova Vijeća Univerziteta u Sarajevu - Elektrotehničkog fakulteta sa pravom glasa, odnosno da postoji kvorum za punopravno odlučivanje.

Sjednicom predsjedava dekan, prof. dr. Jasmin Velagić. Imenovani je otvorio sjednicu i pozdravio prisutne.

Za sjednicu je predložen i jednoglasno usvojen sljedeći:

DNEVNI RED

1. Zapisnik;

1.1. Usvajanje Zapisnika sa 11. elektronske sjednice od 29.12.2023. godine;
(Izvestilac: dekan, prof. dr. Jasmin Velagić)

3. Izbori;

a. Usvajanje Izvještaja Komisije za izbor u saradničko zvanje viši asistent i Prijedloga Odluke o izboru u zvanje višeg asistenta na naučnu oblast "Računarstvo i informatika" za Tarika Hrnjića, MA, dipl.ing.el;
(Izvestilac: prof.dr. Novica Nosović, predsjednik Komisije);

3. Organizaciona pitanja

3.1. Usvajanje dopune Plana pokrivenosti realizacije nastave na I i II ciklusu studija Univerzitet u Sarajevu – Elektrotehničkog fakulteta u studijskoj 2023/2024. godini;
(Izvestilac: dekan, prof.dr. Jasmin Velagić)

4. Treći ciklus studija;

4.1. Donošenje prijedloga odluke o prihvatanju rezultata Naučnoistraživačkog seminara 1.2. za studenta Damira Pozderca, magistar elektrotehnike – diplomirani inženjer elektrotehnike pod naslovom "Extracting important layout features from the web page content";
(Izvestilac: predsjedavajući Vijeća doktorskog studija, prof.dr. Tarik Uzunović)

4.2. Donošenje odluke o prihvatanju održavanja odbrane Naučnoistraživačkog seminara 2.1. za studenta Emira Derviševića, magistar elektrotehnike - diplomirani inženjer elektrotehnike, pod naslovom "Izbor baza sa pseudo-slučajnim funkcijama u BB84 protokolu (eng. Bases Selection with Pseudo-Random Functions in BB84 Scheme)";
(Izvestilac: predsjedavajući Vijeća doktorskog studija, prof.dr. Tarik Uzunović)

4.3. Usvajanje Prijedloga Odluke za odobrenje izrade (pisanja) doktorske disertacije na engleskom jeziku studentu trećeg ciklusa studija – doktorskog studija, Emiru Derviševiću, magistar elektrotehnike – diplomirani inženjer elektrotehnike pod nazivom: "Management of Quantum Key Distribution Networks";
(Izvestilac: predsjedavajući Vijeća doktorskog studija, prof.dr. Tarik Uzunović)

4.4. Usvajanje Prijedloga Odluke o imenovanju komisije za ocjenu radne verzije doktorske disertacije studenta Adnana Osmanovića, magistar elektrotehnike – diplomirani inženjer elektrotehnike pod naslovom "Disturbance Observer Applications in DFIG System Control", u sastavu: prof. dr. Jasmin Velagić, predsjednik, prof. dr. Tarik Uzunović, mentor i član, akademik emeritus prof. dr. Asif Šabanović mentor i član; prof. dr. Senad Huseinbegović, član i prof. dr. Jakub Osmić, član (Fakultet elektrotehnike Univerziteta u Tuzli);
(Izvestilac: predsjedavajući Vijeća doktorskog studija, prof.dr. Tarik Uzunović)

4.5. Usvajanje Prijedloga Odluke za obrazovanje Komisije za ocjenu uvjeta kandidata Alvina Huseinovića, magistar elektrotehnike – diplomirani inženjer elektrotehnike, studenta trećeg ciklusa studija - doktorskog studija Univerziteta u Sarajevu – Elektrotehničkog fakulteta i podobnosti teme doktorske disertacije pod naslovom: "Countering Data Integrity Attacks in the Power Grid Through

Deep Learning", u sastavu: prof. dr. Saša Mrdović – predsjednik; prof. dr. Suleyman Uludag (University of Michigan, Flint) - mentor i član, i prof. dr. Selma Grebović, član;
(Izvjestilac: predsjedavajući Vijeća doktorskog studija, prof.dr. Tarik Uzunović)

4.6. Usvajanje Prijedloga Odluke o produženju roka za završetak trećeg ciklusa studija - doktorskog studija studentu mr. Muameru Kafadaru;
(Izvjestilac: predsjedavajući Vijeća doktorskog studija, prof.dr. Tarik Uzunović)

5. Kandidatura za "Šestoaprilsku nagradu grada Sarajeva"

5.1. Usvajanje Prijedloga Odluke o kandidatu Univerzitet u Sarajevu – Elektrotehničkog fakulteta za "Šestoaprilsku nagradu grada Sarajeva"
(Izvjestilac: dekan, prof. dr. Jasmin Velagić).

TOK SJEDNICE

Ad.1.

1.1. Povodom zapisnika sa 11. elektronske sjednice od 29.12.2023. godine, riječ je zatražila prof. dr. Vensada Okanović, koja je izrazila primjedbe u pogledu tablice koja sadrži pregled rezultata glasanja, navodeći da glasovi nekih kolega/članova Vijeća nisu dostavljeni na generičku e-mail adresu nnv@etf.unsa.ba, iako je izjašnjavanje na elektronskoj sjednici javno, te je zamolila da se i ta izjašnjenja proslijede svim članovima Vijeća.

Zatim je riječ zatražio prof. dr. Samir Omanović koji je naglasio da bi u situacijama gdje član Vijeća nije poslao svoje izjašnjenje na e-mail adresu nnv@etf.unsa.ba, sekretar trebao još u toku trajanja elektronske sjednice izjašnjenje proslijediti svim članovima Vijeća.

Dekan, prof. dr. Jasmin Velagić pojasnio je da je usvojen novi Poslovnik o radu Vijeća kojim je regulirano pitanje glasanja na elektronskim sjednicama, te da se saglasno tim odredbama i postupilo na 11. elektronskoj sjednici Vijeća, upravo sačinjavanjem tablice o rezultatima glasanja. Imenovani je također izjavio da je za cjelokupan proces prikupljanja glasova i njihove obrade zadužen sekretar, Aida Sarajlić Ovčina, te da će imenovana isto provjeriti i dostaviti članovima.

Nakon što je diskusija zaključena, pristupilo se razmatranju zapisnika sa 11. elektronske sjednice održane 29.12.2023. godine, te je većinom glasova od ukupnog broja članova (40 glasova "za", 3 glasa "protiv" i 2 "suzdržana" od glasanja) usvojen zapisnik sa 11. elektronske sjednice održane 29.12.2023. godine.

Ad.2.

2.1. Povodom tačke dnevnog reda koja se odnosi na Izvještaj Komisije za izbor u saradničko zvanje viši asistent i Prijedlog odluke o izboru u zvanje višeg asistenta na naučnu oblast "Računarstvo i informatika" Vijeće Univerzitet u Sarajevu – Elektrotehničkog fakulteta jednoglasno je utvrdilo:

PRIJEDLOG ODLUKE

o izboru akademskog osoblja na naučnu oblast Računarstvo i informatika

I - Utvrđuje se prijedlog Odluke o izboru u zvanje viši asistent, Tarika Hrnjića, MA, dipl.ing.el., na naučnu oblast Računarstvo i informatika na Univerzitet u Sarajevu – Elektrotehničkom fakultetu.

II - Prijedlog Odluke dostavit će se Senatu Univerziteta u Sarajevu na odlučivanje.

III – Sastavni dio ove Odluke predstavlja Izvještaj Komisije sa prijedlogom za izbor.

Obrazloženje:

Dana 02.11.2023. godine raspisan je konkurs za izbor u naučnonastavno zvanje viši asistent na naučnu oblast Računarstvo i informatika – 1 izvršilac, a po osnovu utvrđene nastavne potrebe i Saglasnosti Senata Univerziteta u Sarajevu. Po okonačnju konkursa, provedena je procedura imenovanja Komisije, saglasno članu 123. Zakona o visokom obrazovanju ("Službene novine Kantona Sarajevo" broj: 36/22), u sastavu: prof. dr. Novica Nosović, redovni profesor – predsjednik, prof.dr. Amila Akagić, vanredna profesorica, članica i prof.dr. Željko Jurić redovni profesor, član. Sva tri člana Komisija imaju izbor na naučnu oblast Računarstvo i informatika. U Zakonom, Statutom i Odlukom o imenovanju Komisije broj 01-5423/23 od 04.12.2023. godine određenom roku, Komisija za pripremanje prijedloga za izbor akademskog osoblja u zvanje viši asistent na naučnu oblast Računarstvo i informatika– 1 izvršilac dostavila je putem protokola Univerzitet u Sarajevu – Elektrotehničkog fakulteta Vijeću Izvještaj sa prijedlogom za izbor u zvanje. Pomenuti Izvještaj oglašen je na web stranici Univerzitet u Sarajevu – Elektrotehničkog fakulteta dana 18.12.2023. te su se stekli uvjeti da isti bude razmatran na sjednici Vijeća Fakulteta. U svom Izvještaju Komisija navodi da se po javnom konkursu za izbor u zvanje viši asistent na naučnu oblast Računarstvo i informatika prijavio jedan kandidat, Tarik Hrnjić, MA, dipl.ing.el., te Komisija Vijeću Fakulteta predlaže da se kandidat izabere u zvanje višeg asistenta na naučnu oblast Računarstvo i informatika na Univerzitet u Sarajevu – Elektrotehničkom fakultetu, obzirom da imenovani ispunjava sve uvjete tražene javnim konkursom. Vijeće Fakulteta je na sjednici održanoj 08.01.2024. godine razmatralo Izvještaj Komisije i utvrdilo prijedlog Odluke o izboru, te je odlučeno kao u dispozitivu.

Ad.3.

3.1. Povodom tačke dnevnog reda koja se odnosi na dopunu Plana pokrivenosti realizacije nastave na I i II ciklusu studija Univerzitet u Sarajevu – Elektrotehničkog fakulteta u studijskoj 2023/2024. godini, Vijeće Univerziteta u Sarajevu – Elektrotehničkog fakulteta jednoglasno donosi

ODLUKU

o usvajanju dopune Plana pokrivenosti realizacije nastave na I i II ciklusu studija akademske 2023/2024. godine

I - Usvaja se dopuna Plana pokrivenosti realizacije nastave na I i II ciklusu studija akademske 2023/2024. godine Univerzitet u Sarajevu – Elektrotehničkom fakultetu (u daljnjem tekstu: Fakultet) i to na način da se trenutni Plan pokrivenosti realizacije nastave I i II ciklusa na Odsjeku za elektroenergetiku za 2023/24 studijsku godinu dopuni sa sljedećim stručnjacima iz prakse:

1. dr.sc. Elvira Bećirović – Elektroenergetski sistemi (zimski semestar), 6 časova predavanja;
2. MoE Faris Karić – Industriski i distributivni elektroenergetski sistemi (ljetni semestar), 6 časova vježbi;
3. mr.sc. Emir Fočo – Monitoring i održavanje elektroenergetskih sistema (ljetni semestar), 10 časova tutorijala i 10 časova vježbi.;
4. MoE Mirnes Hrustić - Osnove mehatronike (ljetni semestar), 15 časova tutorijala i 30 časova laboratorijskih vježbi.

II - Sastavni dio ove Odluke čini tabelarni prikaz Plana pokrivenosti realizacije nastave na I i II ciklusu studija akademske 2023/2024. godine sa uvrštenim dopunama.

III - Ova Odluka stupa na snagu danom donošenja.

Ad.4.

4.1. Povodom tačke dnevnog reda koja se odnosi na Donošenje prijedloga odluke o prihvatanju rezultata Naučnoistraživačkog seminara 1.2. za studenta Damira Pozderca, magistar elektrotehnike – diplomirani inženjer elektrotehnike, Vijeće Univerziteta u Sarajevu – Elektrotehničkog fakulteta jednoglasno donosi

ODLUKU

I – Prihvataju se prezentirani i ostvareni rezultati Naučnoistraživačkog seminara 1.2. za studenta Damira Pozderca, magistar elektrotehnike – diplomirani inženjer elektrotehnike pod naslovom "Extracting important layout features from the web page content".

II - Odluka stupa na snagu danom donošenja.

4.2. Povodom tačke dnevnog reda koja se odnosi na donošenje odluke o prihvatanju održavanja odbrane Naučnoistraživačkog seminara 2.1. za studenta Emira Derviševića, magistar elektrotehnike - diplomirani inženjer elektrotehnike, Vijeće Univerziteta u Sarajevu – Elektrotehničkog fakulteta, jednoglasno donosi

ODLUKU

O prihvatanju održavanja Naučnoistraživačkog seminara

I - Prihvata se održavanja odbrane Naučnoistraživačkog seminara 2.1. studenta Dervišević Emira, magistar elektrotehnike - diplomirani inženjer elektrotehnike, pod naslovom "Izbor baza sa pseudo-slučajnim funkcijama u BB84 protokolu (eng. Bases Selection with Pseudo-Random Functions in BB84 Scheme)".

II - Odbrana Naučnoistraživačkog seminara 2.1. iz tačke 1 ove odluke realizirat će se saglasno Odluci o definiranju procedure realizacije naučnoistraživačkih seminara na trećem ciklusu studija – doktorskom studiju (broj: 01-503/21 od 01.02.2021. godine).

4.3. Povodom tačke dnevnog rda koja se odnosi na usvajanje Prijedloga odluke za odobrenje izrade (pisanja) doktorske disertacije na engleskom jeziku studentu trećeg ciklusa studija – dokorskog studija, Emiru Derviševiću, Vijeće Univerziteta u Sarajevu – Elektrotehničkog fakulteta, jednoglasno utvrđuje

PRIJEDLOG ODLUKE

I – Utvrđuje se Prijedlog Odluke za odobravanje izrade (pisanja) doktorske disertacije (radne verzije i doktorske disertacije) pod nazivom: "Management of Quantum Key Distribution Networks" na engleskom jeziku studentu trećeg ciklusa studija – dokorskog studija, Emiru Derviševiću, magistar elektrotehnike – diplomirani inženjer elektrotehnike.

II – Odluka se dostavlja Senatu Univerziteta u Sarajevu.

4.4. Povodom tačke dnevnog reda koja se odnosi na usvajanje Prijedloga odluke o imenovanju komisije za ocjenu radne verzije doktorske disertacije studenta Adnana Osmanovića, magistar elektrotehnike – diplomirani inženjer elektrotehnike, Vijeće Univerziteta u Sarajevu – Elektrotehničkog fakulteta, jednoglasno donosi

ODLUKU

I

Usvaja se prijedlog Vijeća doktorskog studija (broj: 07-28/24 od 04.01.2024. godine) i predlaže Senatu Univerziteta u Sarajevu obrazovanje Komisije za ocjenu radne verzije doktorske disertacije studenta Adnana Osmanovića, magistar elektrotehnike – diplomirani inženjer elektrotehnike pod naslovom "Disturbance Observer Applications in DFIG System Control", u sastavu:

- prof. dr. Jasmin Velagić, predsjednik
- prof. dr. Tarik Uzunović, mentor i član
- akademik emeritus prof. dr. Asif Šabanović mentor i član;
- prof. dr. Senad Huseinbegović, član;
- prof. dr. Jakub Osmić, član (Fakultet elektrotehnike Univerziteta u Tuzli)

II

Prijedlog iz ove odluke dostavlja se Senatu Univerziteta u Sarajevu, na daljnji postupak.

4.5. Povodom tačke dnevnog reda koja se odnosi na usvajanje Prijedloga Odluke za obrazovanje Komisije za ocjenu uvjeta kandidata Alvina Huseinovića, magistar elektrotehnike – diplomirani inženjer elektrotehnike, studenta trećeg ciklusa studija - doktorskog studija Univerziteta u Sarajevu – Elektrotehničkog fakulteta i podobnosti teme doktorske disertacije, dekan, prof. dr. Jasmin Velagić je informirao prisutne članove Vijeća da se član akademskog osoblja koji je predložen za imenovanje u ovu Komisiju i također za mentora studentu Alvinu Huseinoviću, magistar elektrotehnike – diplomirani inženjer elektrotehnike nalazi na "crnoj listi" Ambasade Republike Turske, zbog čega je rektor Univerziteta u Sarajevu, prof. dr. Rifat Škrijelj izložio stalnim političkim pritiscima. Zbog naprijed navedenog, dekan, prof. dr. Jasmin Velagić je izrazio sumnju da prijedlog Komisije u ovom sastavu neće biti usvojen na Senatu Univerziteta u Sarajevu, te bi iz tog razloga trebalo predložiti nekog drugog kao člana i mentora, umjesto prof. dr. Suleymana Uludaga.

Prof. dr. Saša Mrdović koji je predložen za predsjednika ove Komisije obrazložio je da je student već duži period radio na istraživanju sa prof. dr. Suleymanom Uludagom, sa kojim je objavio i dio dobivenih rezultata, te bi predlaganjem i eventualnim imenovanjem nekoga drugog člana akademskog osoblja za mentora bilo nepovoljno za kandidata.

Prof. dr. Irfan Turković je izjavio da Univerzitet u Sarajevu – Elektrotehnički fakultet nikada nije bio učesnik političkih priča, niti je dopuštao djelovanje političkih uticaja na razmatranje naučnonastavnih pitanja, te je zamolio da tako i ostane. Imenovani je također izjavio da uopće nema potrebe da se o ovom pitanju diskutira, nego da se dostavljeni prijedlog stavi na glasanje, što je nakon zaključenja diskusije i učinjeno.

Na osnovu naprijed navedenog, a povodom tačke dnevnog reda koja se odnosi na usvajanje Prijedloga Odluke za obrazovanje Komisije za ocjenu uvjeta kandidata Alvina Huseinovića, magistar elektrotehnike – diplomirani inženjer elektrotehnike, studenta trećeg ciklusa studija - doktorskog studija Univerziteta u Sarajevu – Elektrotehničkog fakulteta, Vijeće Univerziteta u Sarajevu – Elektrotehničkog fakulteta, većinom glasova od ukupnog broja članova (44 glasa "za", 0 glasova "protiv" i 1 "suzdržan" od glasanja) donosi:

1.

ODLUKU

I - Prihvata se Prijedlog Odluke Vijeća doktorskog studija Univerziteta u Sarajevu – Elektrotehničkog fakulteta (broj: 07-29/24 od 04.01.2024. godine) i utvrđuje Prijedlog za

imenovanje Komisije za ocjenu uvjeta kandidata Alvinu Huseinovića, magistar elektrotehnike – diplomirani inženjer elektrotehnike, studenta trećeg ciklusa studija - doktorskog studija Univerziteta u Sarajevu – Elektrotehničkog fakulteta i podobnosti teme doktorske disertacije pod naslovom: "Countering Data Integrity Attacks in the Power Grid Through Deep Learning", u sastavu:

- prof. dr. Saša Mrdović – predsjednik;
- prof. dr. Suleyman Uludag (Univerzitet u Mičigenu/University of Michigan, Flint) - mentor i član;
- prof. dr. Selma Grebović, član;

II - Prijedlog iz ove odluke se dostavlja Senatu Univerziteta u Sarajevu na daljnji postupak.

2. Istovremeno, Vijeće Univerziteta u Sarajevu – Elektrotehničkog fakulteta većinom glasova od ukupnog broja članova (44 glasa "za", 0 glasova "protiv" i 1 "suzdržan" od glasanja) donosi:

ODLUKU

I

Prof. dr. Suleyman Uludag, (University of Michigan, Flint), određuje se za mentora Alvinu Huseinoviću, magistar elektrotehnike – diplomirani inženjer elektrotehnike, studentu trećeg ciklusa studija – doktorskog studija na Univerzitetu u Sarajevu – Elektrotehničkom fakultetu u Sarajevu, za izradu doktorske disertacije pod naslovom "Countering Data Integrity Attacks in the Power Grid Through Deep Learning".

II

Mentor je dužan da pomaže studentu iz tačke I ove odluke pri izboru metoda naučnoistraživačkog rada, literature, pripremi strukture rada, kao i da studentu pruži drugu stručnu pomoć.

III

Odluka stupa na snagu danom donošenja.

4.6. Povodom tačke dnevnog reda koja se odnosi na usvajanje Prijedloga Odluke o produženju roka za završetak trećeg ciklusa studija – doktorskog studija studentu mr. Muameru Kafadaru, dekan, prof. dr. Jasmin Velagić je obrazložio da je kandidat podnio zahtjev za produženje roka, ali da je prije razmatranja zahtjeva potrebno provjeriti sa Službom za nastavu kada je student upisao treći ciklus studija – doktorskog studija i po kojim Pravilima studiranja, od čega i zavisi da li mu se može rok produžiti. Imenovani je dodao da je student, u slučaju da je upisao studij po Pravilima studiranja iz 2010. godine obavezan završiti studij u roku od četiri godine, a ako želi da mu se taj rok produži, treba podnijeti zahtjev za produženje prije isteka tog roka od četiri godine.

Prof. dr. Vensada Okanović je navela da je u materijalima za sjednicu dostavljeno Stručno mišljenje sekretara za ovu tačku dnevnog reda.

Dekan, prof. dr. Jasmin Velagić je ponovno napomenuo da je potrebno izvršiti prethodnu provjeru u službenim evidencijama Službe za nastavu kada je imenovani student upisao studij, te je sa 36 glasova "za", 7 glasova "protiv" i 2 "suzdržana" od glasanja, a na osnovu usmene inicijative prof. dr. Irfana Turkovića zaključeno da će se ova tačka - Prijedloga Odluke o produženju roka za završetak trećeg ciklusa studija - doktorskog studija studentu mr. Muameru Kafadaru povući sa dnevnog reda 8. redovne sjednice Vijeća Univerziteta u Sarajevu – Elektrotehničkog fakulteta.

Ad.5.

5.1. Povodom tačke dnevnog reda koja se odnosi na usvajanje Prijedloga odluke o kandidatu Univerzitet u Sarajevu – Elektrotehničkog fakulteta za "Šestoaprilsku nagradu grada Sarajeva",

započeta je diskusija u kojoj je većina učesnika/članova Vijeća izrazila stav da je potrebno podržati dostavljeni prijedlog. Nekoliko članova Vijeća zatražilo je i dodatne/usmene informacije o BiH komitetu CIGRE, kao i samoj proceduri kandidiranja za dodjelu "Šestoaprilske nagrade grada Sarajeva".

Prof. dr. Zijad Bajramović dao je dodatne informacije o radu i razvoju BiH komiteta Cigre.

Prof. dr. Mustafa Musić je pojasnio proceduru kandidiranja za dodjelu "Šestoaprilske nagrade Grada Sarajeva", a dekan, prof. dr. Jasmin Velagić je zatražio usmenu informaciju ko od članova Vijeća Univerziteta u Sarajevu – Elektrotehničkog fakulteta je član BiH komiteta CIGRE, o čemu su direktno na sjednici dati podaci (o nekima od njih).

Nakon što je diskusija zaključena, pristupilo se glasanju, te Vijeće Univerziteta u Sarajevu – Elektrotehničkog fakulteta većinom glasova od ukupnog broja članova (44 glasa "za", 0 glasova "protiv" i 1 "suzdržan" od glasanja) donosi

ODLUKU
o prijedlogu kandidata
za dodjelu "Šestoaprilske nagrade Grada Sarajeva"

I - Univerzitet u Sarajevu – Elektrotehnički fakulteta za dodjelu "Šestoaprilske nagrade Grada Sarajeva" u kategoriji i nauke i obrazovanja predlaže Bosanskohercegovački komitet Međunarodnog vijeća za velike električne sisteme CIGRE – BH K CIGRE, sa sjedištem u Sarajevu.

II - Odluka stupa na snagu donošenja.

Nakon što su iscrpljene sve tačke dnevnog reda, doc. dr. Vedad Bećirović je zatražio informaciju o konkursnoj proceduri za njegov izbor u naučnonastavno zvanje. Imenovani je postavio pitanje da li će sjednica Vijeća na kojoj će se razmatrati predmetno pitanje biti organizirana uživo ili elektronskim putem, jer se želi obratiti članovima Vijeća Univerziteta u Sarajevu – Elektrotehničkog fakulteta.

Dekan, prof. dr. Jasmin Velagić je obavijestio da će se sjednica održati uživo, te je doc. dr. Vedad Bećirović saopćio da će se u tom slučaju članovima Vijeća obratiti direktno na sjednici.

S obzirom da drugih pitanja nije bilo, sjednica je završena u 14 sati i 45 minuta.

PREDSJEDAVAJUĆI VIJEĆA
DEKAN

Zapisnik sačinila:

Dženita Šabanadžović